

Ўзбекистон Республикасида хизматлар соҳасининг асосий кўрсаткичлари

2026 йил январь


- I. Хизматлар соҳасининг асосий кўрсаткичлари динамикаси
- II. Хизматлар соҳасининг ҳудудлар кесимидаги ўзгариши
- III. Хизматлар соҳасининг асосий турлари бўйича кўрсаткичлари
- IV. Хизматлар соҳасининг статистик кўрсаткичлари бўйича тушунтиришлар
- V. Фойдали ҳаволалар

I. Хизматлар соҳасининг асосий кўрсаткичлари динамикаси

2026 йилнинг январь ойидаги дастлабки маълумотларга кўра (норасмий ва яширин иқтисодиётни баҳолаш бўйича ўтказилган статистик кузатувлар натижалари ҳисобга олинган ҳолда), кўрсатилган бозор хизматлари ҳажми **80 474,8** млрд сўмни ташкил этди. Бу кўрсаткич 2025 йил январь ойи билан солиштирганда **14,8** %га ошди.

Маълумот учун: 2025 йил январь ойида хизматлар ҳажми **66 160,9** млрд сўмни ташкил этди. Бу кўрсаткич 2024 йил январь ойи билан солиштирганда **11,4** %га ўсди.

Кўрсатилган бозор хизматлари ҳажми ва ўсиш суръати
январь¹



II. Хизматлар соҳасининг ҳудудлар кесимидаги ўзгариши

2026 йилнинг январь ойида бозор хизматларининг умумий ҳажмида Тошкент шаҳрининг улуши **40,2** %, яъни **32 321,9** млрд сўмни ташкил этди. Бу кўрсаткич 2025 йил январь ойи билан солиштирганда **17,3** %га ошган. Тошкент шаҳридан ташқари, вилоятлар кесимида энг юқори ҳажм Самарқанд (**5 930,6** млрд сўм, яъни, бозор хизматлари умумий ҳажмининг **7,4** %ини эгаллади), Фарғона (**5 258,4** млрд сўм, **6,5** %), Тошкент (**5 214,9** млрд сўм, **6,5** %) ва Наманган вилоятида (**4 069,4** млрд сўм, **5,0** %) кузатилди. Сирдарё вилоятида кўрсатилган бозор хизматлари ҳажми **1 027,6** млрд сўмни ёки умумий хизматлар ҳажмининг **1,3** %ини ташкил этди.

¹ 2024 йил январь ойи ҳажми, шунингдек, 2025-2026 йиллар январь ойи учун маълумотлар норасмий ва яширин иқтисодиётни баҳолаш бўйича ўтказилган статистик кузатувлар натижаларини ҳисобга олган ҳолда шакллантирилган.

Хизматлар соҳасининг ҳудудлар кесимидаги асосий кўрсаткичлари
2026 йил январь

	Ҳажми, млрд сўмда	Улуши, %да	Ўсиш суръати, %да
Ўзбекистон Республикаси ²	80 474,8	100,0	114,8
ҳудудлар:			
Қорақалпоғистон Республикаси	2 491,5	3,1	114,1
Андижон вилояти	3 882,4	4,8	113,5
Бухоро вилояти	3 104,2	3,9	113,9
Жиззах вилояти	1 747,5	2,2	115,6
Қашқадарё вилояти	3 882,3	4,8	112,8
Навоий вилояти	1 880,9	2,3	112,7
Наманган вилояти	4 069,4	5,0	117,3
Самарқанд вилояти	5 930,6	7,4	116,1
Сурхондарё вилояти	2 572,9	3,2	115,0
Сирдарё вилояти	1 027,6	1,3	111,3
Тошкент вилояти	5 214,9	6,5	114,1
Фарғона вилояти	5 258,4	6,5	113,6
Хоразм вилояти	2 715,2	3,4	114,1
Тошкент шаҳри	32 321,9	40,2	117,3

Мавзуга доир кўрсаткичлар:

[Кўрсатилган бозор хизматларининг ҳудудлар кесимидаги ҳажми](#)

2026 йилнинг январь ойида кўрсатилган бозор хизматларининг нисбатан юқори ўсиш суръатлари Тошкент шаҳридан ташқари республиканинг бошқа ҳудудларида, хусусан, Наманган (**117,3 %**), Самарқанд (**116,1 %**), Жиззах (**115,6 %**), Сурхондарё (**115,0 %**), Тошкент (**114,1 %**), Хоразм (**114,1 %**), вилоятларида ҳамда Қорақалпоғистон Республикасида (**114,1 %**) кузатилди.

Бу кўрсаткич 2025 йил январь ойи билан солиштирганда нисбатан юқори бўлмаган ўсиш суръати Сирдарё вилоятида (**111,3 %**) қайд этилди.

2026 йилнинг январь ойида Ўзбекистон Республикасида аҳоли жон бошига кўрсатилган бозор хизматлари ҳажми **2 123,9** минг сўмни ташкил этди. 2025 йил январь ойига (**1 779,9** минг сўм) нисбатан **12,6 %**га ўсиш қайд этилди.

Ҳудудлар кесимидаги таҳлил шуни кўрсатмоқдаки, ушбу даврда аҳоли жон бошига кўрсатилган бозор хизматларининг энг юқори кўрсаткичи Тошкент шаҳрига тўғри келиб, **10 275,6** минг сўмни ташкил этди. Бу кўрсаткич 2025 йил январь ойи билан солиштирганда **1 960,6** минг сўмга (**14,8 %**) ошди. Шунингдек, нисбатан юқори ҳажми Навоий (**1 704,8** минг сўм), Тошкент (**1 663,7** минг сўм) ва Бухоро (**1 483,8** минг сўм) вилоятлари эгаллади. Аҳоли жон бошига кўрсатилган бозор хизматларининг нисбатан паст кўрсаткичи Сурхондарё вилоятида (**863,9** минг сўм) қайд этилди.

² Ҳудудлар бўйича тақсимланмаган ҳажмларни ҳисобга олган ҳолда.

**Худудлар кесимида аҳоли жон бошига кўрсатилган бозор хизматларининг
ҳажми ва ўсиш суръати кўрсаткичлари**
2026 йил январь

	Ҳажми, минг сўмда	Ўсиш суръати, %да
Ўзбекистон Республикаси	2 123,9	112,6
ҳудудлар:		
Қорақалпоғистон Республикаси	1 220,5	112,7
Андижон вилояти	1 112,0	111,5
Бухоро вилояти	1 483,8	112,2
Жиззах вилояти	1 125,8	113,4
Қашқадарё вилояти	1 055,5	110,4
Навоий вилояти	1 704,8	110,8
Наманган вилояти	1 287,3	115,0
Самарқанд вилояти	1 366,9	113,8
Сурхондарё вилояти	863,9	112,5
Сирдарё вилояти	1 094,8	109,3
Тошкент вилояти	1 663,7	112,1
Фарғона вилояти	1 256,8	111,4
Хоразм вилояти	1 324,0	112,0
Тошкент шаҳри	10 275,6	114,8

Мавзуга доир кўрсаткичлар:

[Аҳоли жон бошига тўғри келадиган бозор хизматлари ҳажми](#)

[Аҳоли жон бошига тўғри келадиган бозор хизматлари ҳажмининг ўсиш суръати](#)

Энг юқори ўсиш суръати Наманган (**115,0 %**), Самарқанд (**113,8 %**), Жиззах (**113,4 %**), Сурхондарё (**112,5 %**), Бухоро (**112,2 %**), Тошкент (**112,1 %**), Хоразм (**112,0 %**), вилоятларида, шунингдек, Тошкент шаҳри (**114,8 %**) ҳамда Қорақалпоғистон Республикасида (**112,7 %**) қайд этилди.

2026 йилнинг таҳлил қилинаётган даврида кичик тадбиркорлик субъектлари томонидан кўрсатилган бозор хизматлари ҳажми **42 459,4** млрд сўмни ёки умумий бозор хизматлари ҳажмининг **52,8 %**ини ташкил этди. Бу кўрсаткич 2025 йил январь ойи билан солиштирганда **112,7 %**ни ташкил этди.

Худудлар орасида кичик бизнеснинг хизматлар ҳажмидаги энг юқори улуши Фарғона (**72,2 %**), Сурхондарё (**71,5 %**), Қашқадарё (**71,3 %**), Жиззах (**70,9 %**), Наманган (**70,8 %**), Андижон (**70,7 %**), Тошкент (**70,2 %**), Хоразм (**69,6 %**), Бухоро (**68,5 %**) вилоятларида ҳамда Қорақалпоғистон Республикасида (**69,5 %**) кузатилмоқда. Ушбу худудларда бозор хизматлари асосан кичик тадбиркорлик субъектларига таянади. Шу боис у янада мослашувчан, бироқ қонунчиликдаги ўзгаришлар ва молиялаштириш имкониятларига нисбатан сезгирроқ бўлади.

Тошкент шаҳрида кичик тадбиркорликнинг улуши нисбатан паст (**38,5 %**) бўлишига қарамай, кичик бизнес субъектлари томонидан кўрсатилган бозор хизматлари ҳажми мамлакат бўйича энг юқори бўлиб, **12 450,8** млрд сўмни ташкил этди.

Сирдарё ва Навоий вилоятлари каби қатор ҳудудларда кичик тадбиркорликнинг улуши бироз пастроқ. Сирдарё вилоятида кичик тадбиркорлик томонидан кўрсатилган хизматлар ҳажми **660,5** млрд сўмни, Навоий вилоятида эса **1 046,4** млрд сўмни ташкил этди.

Ҳудудлар кесимида хизматлар соҳаси бўйича кичик тадбиркорлик кўрсаткичлари
2026 йил январь

	Ҳажми, млрд сўмда	Жами ҳажмдаги улуши, %да	Ўсиш суръати, %да
Ўзбекистон Республикаси	42 459,4	52,8	112,7
ҳудудлар:			
Қорақалпоғистон Республикаси	1 730,5	69,5	113,1
Андижон вилояти	2 743,4	70,7	111,8
Бухоро вилояти	2 127,0	68,5	113,0
Жиззах вилояти	1 238,7	70,9	112,6
Қашқадарё вилояти	2 766,2	71,3	113,1
Навоий вилояти	1 046,4	55,6	110,7
Наманган вилояти	2 879,5	70,8	115,1
Самарқанд вилояти	3 634,0	61,3	111,5
Сурхондарё вилояти	1 839,4	71,5	112,8
Сирдарё вилояти	660,5	64,3	112,3
Тошкент вилояти	3 658,3	70,2	109,3
Фарғона вилояти	3 794,0	72,2	112,7
Хоразм вилояти	1 890,7	69,6	112,8
Тошкент шаҳри	12 450,8	38,5	110,7

III. Хизматлар соҳасининг асосий турлари бўйича кўрсаткичлари

Ўзбекистон Республикаси Президентининг 2025 йил 27 февралдаги ПҚ-78-сон “Хизматлар соҳаси барқарор ривожланиши учун қулай шарт-шароитлар яратишга оид қўшимча чора-тадбирлар тўғрисида”ги қарорига мувофиқ, хизматлар соҳасини ривожлантиришнинг мақсадли кўрсаткичлари белгиланган ва уларни мониторинг қилиш кўзда тутилган.

Кўрсатилган бозор хизматлари умумий ҳажми ўсишига молиявий хизматлар (**20,2 %**га, умумий ўсишга **3,6** фоиз банд ҳисса қўшди), яшаш ва овқатланиш хизматлари (**17,3 %**га, **2,8** ф.б.), савдо хизматлари (**16,8 %**га, **2,7** ф.б.), транспорт хизматлари (**9,4 %**га, **2,0** ф.б.), алоқа ва ахборотлаштириш хизматлари (**13,3 %**га, **1,1** ф.б.), таълим соҳасидаги хизматлар (**22,8 %**га, **0,9** ф.б.), бошқа хизматлар (**12,7 %**га, **0,7** ф.б.), кўчмас мулк билан боғлиқ хизматларнинг (**10,5 %**га, **0,3** ф.б.), шахсий хизматлар (**9,0 %**га, **0,2** ф.б.) ҳамда соғлиқни сақлаш соҳасидаги хизматлар (**7,2 %**га, **0,2** ф.б.) ўсиши асосий омил бўлиб хизмат қилди. Ижара хизматлари (**10,9 %**га), компьютер ва маиший товарларни таъмирлаш хизматлари (**10,6 %**га) шунингдек, меъморчилик соҳасидаги хизматлар (**5,8 %**га) ўсиб, **0,3** фоиз бандга ўсишига ижобий таъсир кўрсатди.

2026 йилнинг январь ойида иқтисодий фаолият турлари бўйича кўрсатилган бозор хизматлари таркибида транспорт хизматлари **19,4 %**, молиявий хизматлар **18,6 %**, яшаш ва овқатланиш хизматлари **17,2 %**, савдо хизматлари **16,0 %**, алоқа ва ахборотлаштириш хизматлари **8,7 %**, таълим соҳасидаги хизматлар эса **4,1 %** улушни эгаллади.

Хизматлар соҳасининг асосий турлари бўйича кўрсаткичлари
январь

	Ҳажми, млрд сўмда		Ўсиш суръати, %да
	2025 йил	2026 йил	
Хизматлар – жами	66 160,9	80 474,8	114,8
<i>шундан:</i>			
алоқа ва ахборотлаштириш хизматлари	5 559,3	7 025,8	113,3
молиявий хизматлар	11 880,6	14 935,8	120,2
транспорт хизматлари	13 827,2	15 633,3	109,4
<i>шу жумладан: автотранспорт хизматлари</i>	<i>6 638,9</i>	<i>7 965,1</i>	<i>108,9</i>
яшаш ва овқатланиш хизматлари	10 868,6	13 819,2	117,3
савдо хизматлари	10 502,3	12 863,6	116,8
кўчмас мулк билан боғлиқ хизматлар	1 751,4	1 969,0	110,5
таълим соҳасидаги хизматлар	2 573,2	3 259,5	122,8
соғлиқни сақлаш соҳасидаги хизматлар	1 458,4	1 676,4	107,2
ижара хизматлари	908,2	1 079,8	110,9
компьютерлар ва маиший товарларни таъмирлаш бўйича хизматлар	1 020,2	1 185,4	110,6
шахсий хизматлар	1 431,9	1 712,2	109,0
меъморчилик, муҳандислик изланишлари, техник синовлар ва таҳлил соҳасидаги хизматлар	806,0	913,9	105,8
бошқа хизматлар	3 573,6	4 400,9	112,7

Мавзуга доир кўрсаткичлар:


[Кўрсатилган бозор хизматларининг асосий турлари бўйича ҳажми](#)

2025 йил январь ойига нисбатан яшаш ва овқатланиш хизматлари ҳажми **2 950,6** млрд сўмга ошиб, **13 819,2** млрд сўмни ташкил этди. Унинг ўсишига асосан озиқ-овқат ва ичимликлар билан таъминлаш хизматлари таъсир кўрсатиб, мазкур хизматлар улуши **95,7 %** даражасида қайд этилди.

2026 йилнинг январь ойида транспорт хизматлари ҳажми **15 633,3** млрд сўмга етди. Транспорт хизматлари таркибида автомобиль транспорти хизматлари **50,9 %**, ёки **7 965,1** млрд сўм ҳажм билан устунлик қилади.

Транспорт хизматлари ҳажмининг ўсиши ички ва ташқи савдо фаолияти, логистика, туризм ҳамда электрон тижоратнинг ривожланиши билан бевосита боғлиқ бўлиб, бу юк ва йўловчилар ташишга бўлган талабнинг ортишига олиб келади.

Транспорт хизматлари ҳажмининг турлари бўйича таркиби
2026 йил январь



2025 йил январь ойига нисбатан таҳлил қилинаётган даврда савдо хизматлари ҳажми **2 361,3** млрд сўмга ошиб, **12 863,6** млрд сўмни ташкил этди.


Савдо хизматларининг умумий ҳажмида чакана савдо улуши **51,8** %ни ташкил этди. Улгуржи савдо хизматларининг улуши эса **29,9** %га етди. Автомобиллар ва мотоциклларнинг улгуржи ва чакана савдоси, шу жумладан уларни таъмирлаш бўйича хизматлар, савдо хизматларининг умумий ҳажмида **18,3** %ни ташкил этди.

2025 йил январь ойига нисбатан 2026 йилнинг январь ойида молиявий хизматлар ҳажми **3 055,2** млрд сўмга ошиб, **14 935,8** млрд сўмга етди. Бу кўрсаткич 2025 йил январь ойи билан солиштирганда **20,2** %га ўсди.

2026 йилнинг январь ойида молиявий хизматлар таркибида суғурталаш ва нафақа таъминоти бўйича хизматлардан ташқари, молиявий хизматлар улуши **88,4** %ни ташкил этди. Суғурталаш бўйича хизматларнинг улуши **7,1** % даражасида қайд этилди. Ёрдамчи молиявий хизматлар эса **4,5** %ни ташкил этди.

2026 йилнинг таҳлил қилинаётган даврида алоқа ва ахборотлаштириш хизматлари ҳажми **7 025,8** млрд сўмни ташкил этди. Мазкур тармоқдаги энг катта улушни компьютер дастурлаштириш хизматлари (**42,9** %) эгаллади. Шунингдек, кўриб чиқиляётган даврда алоқа ва ахборот хизматлари умумий ҳажмининг телекоммуникация хизматлари улуши **33,7** %, ахборот хизматлари **14,6** %, ноширлик хизматлари **6,5** % ва бошқа хизматлар **2,3** % ни ташкил этгани таъкидланди.

Алоқа ва ахборотлаштириш хизматларининг турлари бўйича ҳажми
январь, млрд сўмда



Бу соҳада дастурлаштиришнинг юқори улуши янги АТ-кластер пайдо бўлаётганини кўрсатади. У қўшимча иш ўринлари яратади ва экспорт имкониятларини оширади, айниқса аутсорсинг ва дастурий таъминот ишлаб чиқишга ҳисса қўшади.

2026 йилнинг январь ойида таълим соҳасидаги хизматлар ҳажми **3 259,5** млрд сўмни ташкил этди. Таълим соҳасидаги хизматларнинг умумий ҳажмида олий таълим соҳасидаги хизматларнинг улуши устунлик қилиб, **46,8** %га етди.

Кўчмас мулк билан боғлиқ хизматларнинг умумий ҳажми (**1 969,0** млрд сўм)да шахсий ёки ижарага олинган кўчмас мулкни ижарага бериш ва бошқариш бўйича хизматларнинг улуши **95,8** % даражасида қайд этилди.

2026 йилнинг таҳлил қилинаётган даврида соғлиқни сақлаш соҳасидаги хизматлар ҳажми **1 676,4** млрд сўмни ташкил этди. Мазкур соҳадаги хизматлар умумий ҳажмининг **52,0** %ини соғлиқни сақлаш соҳасидаги бошқа хизматлар ташкил этди. Шифохона муассасалари хизматлари **30,5** %, тиббий амалиёт ва стоматология соҳасидаги хизматлар эса **17,5** %.

IV. Хизматлар соҳасининг статистик кўрсаткичлари бўйича тушунтиришлар

Маълумотлар норасмий ва яширин иқтисодий баҳолаш бўйича ўтказилган статистик кузатувлар натижалари ҳисобга олинган ҳолда шакллантирилган.

Ойлик хизматлар ҳажми қуйидаги манбалар асосида шакллантирилади:

а) тижорат ташкилотлари (кичик корхоналар, микрофирмалар ва қишлоқ хўжалиги ишлаб чиқарувчилари бундан мустасно), тижорат ташкилоти бўлган юридик шахсларнинг алоҳида бўлинмалари ҳамда нотижорат ташкилотлар (рўйхат бўйича) томонидан тақдим этилган статистика ҳисоботлари;

б) кичик тадбиркорлик субъектлари томонидан кўрсатилган хизматлар ҳажмини чораклик кузатув маълумотлари ва кичик корхоналар ҳамда микрофирмалар учун ягона йиллик ҳисобот натижалари бўйича баҳолаш;

в) фермер хўжаликлари ва нотижорат ташкилотлар томонидан кўрсатилган хизматлар ҳажмини тегишли статистика ҳисобот шакллари асосида баҳолаш;

г) яқка тартибдаги тадбиркорлар ва ўзини ўзи банд қилган шахслар томонидан кўрсатилган хизматлар ҳажмини ҳар чоракда ўтказиладиган танланма кузатув натижалари асосида баҳолаш.

Кўрсатилган бозор хизматлари ҳажми бу – хизмат кўрсатишга ихтисослашган ёки хизмат кўрсатиш асосий фаолият тури бўлмаган барча хизмат кўрсатувчи юридик ва жисмоний шахслар томонидан истеъмолчиларга (жумладан, норезидентларга) маълум бир вақт давомида кўрсатилган хизматлар қийматидир.

Иқтисодий фаолият турлари бўйича **кўрсатилган бозор хизматлари ҳажмида** кўрсатилган хизматлар учун амалдаги бозор нархлари бўйича **ҳисобланган тўловлар (ҚҚС ва акцизсиз)** ҳисобга олинади.

Хизматлар бозор хизматлари сифатида ҳисобга олиниши учун, иқтисодий аҳамиятга эга бўлиши, реал олди-сотди объекти бўлиши, нархи ишлаб чиқувчи сарф-харажатларини тўлиқ ёки сезиларли даражада қопласа, бундай хизматлар **бозор хизматлари** сифатида ҳисобга олинади. Истеъмолчилар томонидан хизматлар учун тўловлар нақд пул, шу жумладан, пластик карточкалар ва пул ўтказиш, электрон тўловлар ва электрон пуллар орқали амалга оширилиши мумкин.



Норезидентларга кўрсатилган хизматлар (агар тўлов сўмда амалга оширилмаган бўлса), шартнома нархлари Ўзбекистон Республикаси Марказий банки томонидан тўлов кунида белгиланган курс бўйича қайта ҳисобланади.

Фаолият турлари бўйича **хизматларни таснифлаш**, Ўзбекистон Республикаси Иқтисодий фаолият турлари бўйича маҳсулотлар (товарлар, ишлар, хизматлар)нинг статистик таснифлагичига мувофиқ амалга оширилади.

Кўрсатилган бозор хизматлари ҳажми МСТ (Миллий статистик таснифлагич) бўйича G-S секцияларга кирадиган барча иқтисодий фаолият турларининг хизматларга тегишли қисми асосида шакллантирилади.

V. Фойдали ҳаволалар

Кўрсатилган бозор хизматларининг статистик ҳисоби бўйича услубий низом

Ўзбекистон Республикаси иқтисодий фаолият турлари бўйича маҳсулотлар (товарлар, ишлар, хизматлар)нинг статистик таснифлагичи (МСТ)

Ўзбекистон Республикаси Иқтисодий фаолият турлари бўйича маҳсулотлар (товарлар, ишлар, хизматлар) статистик таснифлагичининг G, H, I, J, K, L, M, N, O, P, Q, R ва S секциялари кодлари батафсил (кенгайтирилган) рўйхати

Тайёрлаш учун масъул:
Хизматлар соҳаси статистикаси
бошқармаси

Манзил: 100170, Тошкент,
Мустақиллик шоҳ кўчаси, 63.
Электрон почта: info@stat.uz
Тел.: 71-203-80-00 (1280, 1281)

